

## Қариндошлар ўртасидаги никоҳ тақиқланадими?

18 ёшга тўлмаган йигит ва қизларни унаштириш маросимларини ўтказиш тақиқланади.

5-с.

## Ижтимоий ходим: фаолият мезони – фаолликдир

Маҳалла ходимлари халқни ислохотлар, ўзгариш ва янгиликлардан хабардор қилувчи асосий бўғин.

6-с.

Муножат ЙЎЛЧИЕВА:  
«Маҳалла-қўй нима дейди», деган сўзнинг ўзи тарбия бўлган»

# Маҳалла

№40 (2178) | 2024 йил 20 июль, ШАНБА

8-с.

WWW.UZMAHALLA.UZ

ЎЗБЕКИСТОН МАҲАЛЛАЛАРИ УЮШМАСИНИНГ ИЖТИМОЙ-СИЁСИЙ, МАЪНАВИЙ-МАЪРИФИЙ ГАЗЕТАСИ

### УЮШМА КУНДАЛИГИ

## Ёшлар билан учрашув самимий ўтди

Ўзбекистон маҳаллалари уюшмаси раиси Кахрамон Куропбоев ўзига бириктирилган ёшлар билан учрашиб, улар билан яқиндан суҳбат қилди.



Ёшларнинг фикр-мулоҳазалари, муаммолари тингланган, уларга етарли шарт-шароитларни яратиш, ижтимоий ва моддий кўмак ажратиш бўйича масъулларга топшириқ берилди. Хусусан, Садоқат Одилова профессионал таълим олишда шартнома маблағини тўлашга қийналаётгани учун моддий ёрдам сўради. Унинг муаммоси ижобий ҳал этилиб, ноутбук соғва қилинди.

Жамшид Маҳкамов ҳамда Жасур Қодиоров тадбиркорлик қилиш учун керакли асбоб-ускуна харид қилиш, фаолият кўрсатиш учун алоҳида жой зарурлиги бўйича мурожаат қилди. Ёшларнинг масалалари ижобий ҳал этилди.

Учрашув давомида боғча ва ижара уй пулларини тўлаш, тадбиркорлик фаолиятини олиб бориш учун печ ва махсус музлатгичлар харид қилиш ва бошқа шу каби мурожаатлар тингланди. Уларнинг ечими бўйича тегишли масъулларга топшириқ берилди.



ХАЛҚАРО ҲАМКОРЛИК

## ТАРАҚҚИЁТЛАР ҲАР ДОИМ БИР-БИРИГА ЎХШАШ, БИР-БИРИНИ ТУШУНАДИ ВА РУҲАН ЯҚИН

Жорий йилнинг 5-10 июль кунлари Ўзбекистон делегацияси билан Хитой Халқ Республикасининг Пекин ва Ланьчжоу шаҳарларида хизмат сафарида бўлди.

Ташриф кун тартибидан мамлакатнинг ўзини ўзи бошқариш органлари фаолияти билан яқиндан танишиш, камбағалликни қисқартириш борасидаги ўзига хос тажрибани жойига бориб ўрганиш, Хитойдаги ўзбекистонлик ёшлар

билан мулоқот қилиш каби рангба-ранг тадбирлар ўрин олди.

### МЎЪЖИЗАНИНГ СИРИ НИМАДА?

Келинг, дастлаб Хитой ҳақида, унинг бугунги иқтисодий салоҳиятига замин яратган воситалар, тажрибалар ҳақида икки оғиз фикр юритсак. Ҳозирги кунда халқаро ҳамжамият “осмоноти ўлкаси” деб ном таратган замонавий Хитой Халқ Республикаси – кўҳна Чин халқи эришаётган улғувор ютуқларни кенг эътироф этмоқда. Хатто бу давлатни 2030 йилга бориб жаҳоннинг биринчи рақамли иқтисодиётига айланишини башорат қилишмоқда.

Очик айтиш керак, Хитойнинг сўнгги 40 йилликда қўлга киритган ютуқлари замирида юксак самара келтирган иқтисодий ислохотлар туради. Ислохотлар бошланган йилларда Хитойда деярли хусусий корхоналар йўқ эди. Бугунги кунда улар умумий ишлаб чиқаришнинг қарийб 80 фоизини ташкил қилади. Авваллари ишлаб чиқариш ва истеъмол бозори марказлашган бўлса, эндиликда улар фирма ва оилалар қўлига ўтди. Маъмурий буйруқбозлик ўрнини иқтисодий ташаббускорлик, бозорга мослашув, рақобатбордошлик эгаллади.

Давоми 2-саҳифада.

### БУГУНГИ СОНДА:

#### Касби бор кам топмайди, камбағал ҳам бўлмайди

Фикримча, маҳаллада камбағаллик ва ишсизликни камайтириш учун ҳар бир инсон камида битта касбга эга бўлиши лозим. Агар ўз касбининг устаси бўлса, унга даромад топиш учун имконият ва шароит кўп. Ёшларни мактаб пайтидан ким бўлишини ва нимага қизиқишини аниқлаб, шу касбга йўналтирсақ, яхши натижага эришамиз.

3-с.

#### Ҳар йигит-қиз иқтидори – келажакнинг пойдевори

Худуддаги ёшларни ҳар жиҳатдан қўллаб-қувватлаш учун кўп имконият яратилган. Бироқ ундан самарали фойдаланиш учун, ўйлашимча, ҳар бир ёшлар етакчиси маҳаллий шароитни ҳисобга олиб, ташаббус кўрсатиши керак. Мана шу ҳулоса асосида, аввал ёшларни тақлиф ва муаммосини аниқлаб олдим.

4-с.

#### Аёл бахти ўз орзусин рўёбида

Йигирма бир йилдан буён маҳалла тизимида ишлайман. Кимга қандай ёрдам кераклиги, қайси оилاداги муҳитни яхшилаш зарурлиги биламан. Шу асосда хотин-қизларни тизимли равишда қўллаб-қувватлаб келяпмиз. Худудимизда умуман ишсиз хотин-қиз йўқ. Ҳамма камида иккита-учта йўналишда фаолият олиб боради.

5-с.

#### “Дрон бўлса, назоратда муаммо қолмас эди”

Тоғли худудда фуқаролар осойишталигини таъминлаш борасида ўзига яраша машаққатлари бор. Ёмғирли, қиш-қировли кунларда манзилга тезкор етиб бориш ва худудни тўлиқ назорат қилиш имконияти чекланади. Агар тоғли, чўл ва худуди катта маҳаллаларда фаолият юритаётган профилактика инспекторларига дронлар берилса, иш самарадорлиги янада яхшиланарди.

7-с.

### КУН НАФАСИ

## “Бир бўлсак – ягона халқмиз, бирлашсак – Ватанмиз!”

Мустақиллигимизнинг 33 йиллиги ана шу шнор остида нишонланади



“Ўзбекистон Республикаси давлат мустақиллигининг ўттиз уч йиллик байрамига тайёргарлик кўриши ва уни ўтказиш тўғрисида”ги Президент қарорин қабул қилди.

Қарорга кўра, Мустақиллигимизнинг 33 йиллик шонли санаси чинакам умумхалқ байрами, озодлик ва саодат айёми сифатида кўтаринки кайфиятда кутиб олинади ҳамда мамлакатимизнинг бугунги тараққиёт даражаси, юксалиш суръатларига муносиб тарзда нишонланади.

Ташкилий-амалий, маънавий-маърифий тадбирлар ҳамда тарғибот-ташвиқот ишлари “Бир бўлсак – ягона халқмиз, бирлашсак – Ватанмиз!” деган бош ғояни ўзида мужассам этган ҳолда ўтказилади.

Мустақиллик байрами Қорақалпоғистон Республикаси, вилоятлар марказлари ва Тошкент шаҳрида, шунингдек, барча шаҳар ҳамда туманлар, қишлоқ ва овулларда муносиб нишонланиши таъминланади. Маҳаллаларда маънавий-маърифий анжуманлар, уч авлод учрашувлари, очик мулоқот ва суҳбатлар, адабий-бадий кечалар, миллий кино кунлари, сайиллар, маданият ва спорт тадбирлари, гастрономик фестиваллар ўтказилади.

“Она диёр – ранглар жилосида”, “Ватан учун яшайлик!”, “Энг улўғ, энг азиз” каби анъанавий кўрик-танловлар юқори даражада ташкил этилади.

### ТАЖРИБА

## Ташаббус етакчининг кундалик вазифаси

Ҳар бир худуднинг жойлашуви ва имкониятидан самарали фойдаланиш учун етакчи ташаббускор бўлмоғи шарт. Масалан, 2023 йилда ёшларнинг тақлифи ва қизиқишини ўрганганимда, кўп йиллик-қизлар маҳалла кутубхонаси куриб беришни сўраган. Бу тақлиф асосида ташаббус кўрсатиб, мўъжаз кутубхона ташкил этдик.

4-саҳифада.

### ШУКРОНАЛИК

## ХОРИЖДАН ҚАЙТИБ, ҲАЛОВАТНИ ҲИС ҚИЛГАНЛАР



5-саҳифада.

Бизни иқтисодий тармоқларда кузатиш!  
@mahalla\_raislari  
@mahalladosh\_1  
@mahalladosh

Газетанинг телеграмдаги «uzmahallabot»га ўтиш учун QR-кодни сканерланг!







Президент қарорига кўра, Тошкент шаҳрида АМЕРИКА ТЕХНОЛОГИЯЛАР УНИВЕРСИТЕТИ ташкил этилади.



Қатар билан ТУРИЗМ ва ИШБИЛАРМОНЛИК тадбирлари соҳасида ҳамкорлик қилинади.



Эндиликда қишлоқ хўжалигига мўлжалланган ер участкалари 10 йилгача муддатга ИККИЛАМЧИ ИЖАРАГА берилди.

# Хар йигит-қиз иқтидори — келажакнинг пойдевори

Маҳалламизда яшовчи 2 570 нафар ёшнинг бандлигини таъминлаш, иқтидорини рўйбга чиқаришга алоҳида эътибор қаратаямиз. 14 ёшдан 30 ёшгача бўлган ёшларнинг ижтимоий аҳоли, қобилияти ва қизиқишини ўрганиб, "яқши", "урта" ва "оғир" тоифага ажратиб олганмиз. Жорий йил бошида ўтказилган ҳатловда 3 нафар ишсиз ёш рўйхатга олинган эди. Бугунгача уларнинг 1 нафари доимий ишга жойланди, 2 нафарига субсидия асосида тикув машинаси олиб берилди.



Акбаржон НАБИЕВ, Янги Наманган туманидаги "Оромгоҳ" маҳалласи ёшлар етакчиси.

"Оғир" тоифадаги ёшлар билан ишлашда профлактика инспекторига яқиндан кўмаклашамиз. Жиноятга мойил йигит-қизлар билан суҳбатлашиб, қизиқиши ўрганилапти. Тажрибамда гувоҳ бўлдимки, ҳар бир йигит-қизда қандайдир иқтидор, қобилият бўлади. Уни намоён этиш учун имконият яратилса, самарадорлик ортади. Буни маҳалламизда яшовчи Жавлонбек Тожибоев мисолида кўриш мумкин. Бу йигит ҳуқуқбузарликка мойиллиги учун "оғир" тоифага киритилганди. У билан суҳбатлашиб, қизиқишини ўргандим. Маълум бўлишича, Жавлонбек тижорат, савдога

қизиқади. Яна у замонавий онлайн савдо ҳақида яқши тасаввурга эга. Шундан келиб чиқиб, қизиқиши бўйича бир ҳафталик ўқув курсига йўналтирдим. Курсни тамомлаб келгач, "Хар бир оила — тадбиркор" дастури асосида унга 25 миллион сўм имтиёзли кредит ажратилди. Бу маблағ эвазига Жавлонбек ўз тадбиркорлик фаолиятини бошлади. "Фон финикс" масъулияти чекланган жамият ташкил этиб, ҳозир ойига 3-4 миллион сўм даромад топмоқда.

Худуддаги ёшларни ҳар жиҳатдан қўллаб-қувватлаш учун кўп имконият яратилган. Бироқ ундан самарали фойдаланиш учун, уйлашимча, ҳар бир ёшлар етакчиси маҳаллий шароитни ҳисобга олиб, ташаббус кўрсатиши керак. Мана шу хулоса асосида, аввал ёшларни тақлиф ва муаммосини аниқлаб олдим. Ўрганишда аксарият йигит-қизлар

маҳаллада спорт майдонига эҳтиёж борлигини айтди. Шундан сўнг, туман ҳокимлигига худудда воркаут майдончаси қуриб бериш бўйича тақлиф билан чиқдим. Ташаббусим қўллаб-қувватланди. Ҳозирда бу майдончада 500 нафар ёш спорт билан мунтазам шуғулланмоқда.

Яна бир тақлифим ижро жараёнида. Ишсиз ёшларни касб-хунарга ўқитиш учун худудимиздаги 65-мактабгача таълим ташкилотининг бўш турган биносидан фойдаланиб, мономарказ ташкил этишни сураганман. Шу бино хоналаридан фойдаланиб, тури фан, санъат, спорт тўғрисидаги таълим ташкил этиш бўлади. Бунинг учун устоз-мураббийларни четдан излаш шарт эмас. Маҳалламиз вакиллари орасидан шу соҳаларда мутахассис ёшлар жалб этилса, уларга кўшимча даромад бўлади.

ТАЖРИБА

МЕНДА САВОЛ БОР...

## Ташаббус етакчининг кундалик вазифаси



суҳбатлашганимда паррандачиликка қизиқишини аниқладим. Шундан келиб чиқиб, ўтган йили йўналишда 33 миллион сўм имтиёзли кредит ажратдик. Маблағга дастлаб, 500 дона броллер жўжа олиб келинган бўлса, ўтган вақтда фаолиятини янада кенгайтирдим. Ҳозирда ёш тадбиркорнинг паррандалари сони 1 000 тага етди. 8 минг сўмдан сотиб олинган броллер жўжалар 30 кунда ўлғайиб, сотувга тайёр бўлмоқда. Бозорда 50 минг сўмдан сотилмоқда. Эътиборлиси, шу иш ортдан Нурали билан оиланинг яна 3 нафар аъзоси банд бўлди. Етилган паррандаларни нафақат Жиззах, балки Самарқанд вилоятдан харидорлар ўзлари келиб, олиб кетишмоқда.

Яна бир маҳалладашимиз Нозима Шарипова 2023 йилда мактабни тамомлаб, ишсизлар рўйхатига олинганди. Тикувчиликка лаёқати борлиги учун субсидия асосида унга 2 та тикув машинаси бердик. Ҳозир болалар ва аёллар либосларини тикиб, оила бюджетига ҳисса қўшмоқда.

Ёшлар етакчиси нафақат ижрочи, балки ташаббускор бўлиши керак, деб ўйлайман. Фаолиятини шу мезон асосида ташкил этганман. Чунки ҳар бир жўжанинг жойлашуви ва имкониятидан самарали фойдаланиш шарт. Масалан, 2023 йилда ёшларнинг тақлифи ва қизиқишини ўрганганимда кўп йигит-қизлар маҳалла кутубхонаси қуриб беришни сураганди. Бу тақлиф асосида ташаббус кўрсатиб, мўъжаз кутубхона ташкил этдик. Шу билан чеклиниб қолмадик. Кутубхонада шахмат-шашка тўғрисида иш бошлади. Маҳалла биносидаги бўш хоналардан самарали фойдаланиб, касб-хунар йўналишидаги ўқув маркази очдик.

Яна бир ташаббусим — маҳаллада спортни оммалаштириш мақсадида барча спорт турлари бўйича "Етакчи кубоги" турнири ташкил этдим. Бу турнир "Беш ташаббус олимпиадаси"га тайёргарлик ва саралаш вазифасини ўтапти. Мухими ёшлар назоратсиз қолмаяпти.

Ўлмас МУСУРМОНОВ, Каттақўрғон туманидаги "Чароғон" маҳалласи:  
— Мамлакатимизда аҳолининг ижтимоий ҳимояга муҳтож қатламлари қўллаб-қувватлашга катта эътибор берилляпти. Айтишчиси, қонунийликда "Ёшлар дафтари"га киритилган фуқароларнинг фарзандига имтиёз яратилганми?

## Тавсиянома асосида бепул йўланма берилди



Аброрбек ЭЪЗОЗХОНОВ, "Мадад" НТТ ҳуқуқшуноси:

— Бу масала "Хорижда вақтинча меҳнат фаолиятини амалга ошираётган Ўзбекистон Республикаси фуқароларини ва уларнинг оила аъзоларини қўллаб-қувватлаш бўйича қўшимча чора-тадбирлар тўғрисида"ги Президент қароридан кўрсатиб ўтилган. Унга кўра, 2022 йил 1 майдан бошлаб, Ўзбекистон касба уюшмалари Федерациясининг маблағлари ҳисобидан ҳар йили маҳаллардаги ёшлар етакчиларининг ёзма тавсияномасига асосан "Ижтимоий ҳимоя ягона реестри" ахборот тизимида рўйхатда бўлган ёки "Темир дафтар", "Аёллар дафтари" ва "Ёшлар дафтари"дан бирига киритилган ҳамда меҳнат миграциясига чиқиб кетган фуқароларнинг болаларига мавсумий фаолият юртакдаги оромгоҳларга бепул йўланмалар берилди.

Таъкидлаш керакки, Ўзбекистон касба уюшмалари Федерациясининг маблағлари ҳисобидан меҳнат миграциясига чиқиб кетган фуқароларнинг оила аъзоларига ёрдам пуллари ва йўланмалар фуқаролар «Labor migration» дастурий мажмуасида рўйхатдан ўтган бўлса ажратилади.

Ёрдам пуллари ва йўланмаларни олиш учун талабгорлар Бандлик ва меҳнат муносабатлари вазирлигига «Labor migration» дастурий мажмуаси орқали электрон тарзда мурожаат қилади.



Биламизки, барча иллатлар бекорчиликдан келиб чиқади. Шу бос ҳудудда ёшлар бандлигини таъминлаш, тадбиркорлик фаолиятини қўллаб-қувватлаш, эҳтиёжман йигит-қизларни ҳаётда ўз йўлини топишига кўмаклашиш борасида аниқ чора-тадбир белгилаб олганмиз. Йил бошидаги ҳатлов асосида уларнинг қизиқиш ва муаммоси ўрганилди.

Шукур МАЛИКОВ, Дўстлик туманидаги Алишер Навоий номидаги маҳалла ёшлар етакчиси.

Хатлов натижасига кўра, 1 160 нафар йигит-қиз рўйхати шакллантирилиб, 585 нафарини 7 та тоифага ажратдик. Иш самарадорлигини янада ошириш мақсадида вилоят Мудофаа бошқармаси масъул этиб бириктирилди. 20 нафар ишсиз ёшнинг барчаси иш билан таъминланди.

2023 йилда 80 нафар талабгорга кредит ажратилган бўлса, шунинг 40 нафари ёшлар. Жорий йилда яна 1 миллиард сўм кредит лимити берилиши кўзда тутилган.

Нурали Куролов — маҳалламиздаги ёш тадбиркорлардан. Ёшларнинг бизнес лойиҳаларини қўллаб-қувватлаш мақсадида уларга имтиёзли кредит ажратилиши Нурали каби ёшлар бандлигини таъминлашга замин бўлмоқда. Бу йигит аввал ишсиз эди. У билан

# Ёшлар саноат зонаси қандай ташкил этилади?



Ёшлар саноат зоналарини ташкил этиш Вазирлар Маҳкамасининг "Ёшлар саноат ва тадбиркорлик зонаси ҳамда ёш тадбиркорларни қўллаб-қувватлаш жамғармаси тўғрисида низоми тасдиқлаш тўғрисида"ги қарори билан тартибга солинган. Қарор асосидаги низомига кўра, ёш тадбиркорлик субъекти 18 ёшга тўлган ва 30 ёшдан ошмаган, юридик шахс мақомида ёки таъсисчилари сифатида саноат ёки хизмат кўрсатиш йўналишида инвестиция лойиҳасини амалга ошириш истагини билдирган Ўзбекистон фуқароси бўлиши керак.

Ёшлар саноат зоналари фақат муҳандислик-техник коммуникациялари мавжуд ёки ўтказиш осон бўлган, фаолият кўрсатмаётган ишлаб чиқариш майдонлари ва қишлоқ хўжалигига мўлжалланмаган ер майдонларида ташкил этилади.

Уз инвестиция лойиҳаларини жойлаштириш истагидан бўлган ёш тадбиркорлар тегишли ҳужжатларни туман(шаҳар) инвестициялар ва ташки савдо бўлимларига тақдим этади.

Инвестиция лойиҳаларини жойлаштириш тўғрисида ишчи гуруҳ қарори ҳужжатлар тақдим қилинган кундан бошлаб, 10 календарь кун

ичида қабул қилинади. Бу ҳақда ижобий ёки рад этиш тўғрисида хулоса берилди.

Куйидаги талабларга жавоб берадиган инвестиция лойиҳалари Ёшлар саноат зоналари худудида жойлаштиришда устуворликка эга бўлади:

- патент асосида ишлаб чиқаришни йўлга қўйишни таъминловчи стартап - инвестиция лойиҳалари;
- инновацион маҳсулотлар ишлаб чиқаришга мўлжалланган инвестиция лойиҳалари;
- импорт ўрнини босадиган ва экспортга йўналтирилган рақобатбардош маҳаллий

саноат маҳсулотлари ишлаб чиқаришни назарда tutувчи инвестиция лойиҳалари; яратилмаган янги иш ўринларининг камидан 70 фоизи ёшлар учун мўлжалланган бўлиши, бунда бандлиги таъминланмаган "Ёшлар дафтари"га киритилган ёшларни иш билан таъминлашни назарда tutувчи инвестиция лойиҳалари.

Лойиҳаларни жойлаштириш учун ер майдонлари чегараларини белгилаб бериш Давлат солиқ кўмитаси хузуридаги Кадастр агентлигининг тегишли туман (шаҳар) бўлимлари томонидан ишчи гуруҳларнинг хулосаси асосида 5 иш куни ичида амалга оширилади.

БИЛАСИЗМИ?





Юртимиздаги кувш ва шамол электр станциялари жорий йил бошидан буён 2 МЛРД. КВТ/СОАТ электр энергияси ишлаб чиқарди.



ХАЛҚАРО ВАЛЮТА ЖАМФАРМАСИ 2029 йилга бориб Ўзбекистоннинг ташқи қарзи 10 фоизга қисқаришини маълум қилди.



Ўзбекистон ва Англия ҳамкорлигида Яхнинг «САМАРҚАНДГА ЖЎНАЙДИГАН ЭШЕЛОН» романи асосида янги бадиий фильм суратга олинади.

КЎМАК



## “Ишим сабаб иродам ҳам мустаҳкам”

Когон шахридаги Мирзо Улутбек номидаги маҳаллада истикомат қилувчи Умида опа Раунова болаликдан ногирон. У 1974 йилда туғилган. Ўз вақтида Маданият техникумининг кутубхоначилик мутахассислигини тамомлаган. 23 йил давомида умумий ўрта таълим мактабларида кутубхоначи бўлиб ишлаган.

К ахрамонимиз яқинда ногиронлиги бўлган шахслар учун васасу. argos.uz платфอรมаси орқали эълон қилинган бўш иш ўринларидан бирига ариза топшириб, очик танловларда суҳбатдан яхши ўтди. Когон шахридаги 9-умумтаълим мактабига кутубхоначи лавозимига ишга қабул қилинди. — Узоқ вақт давомида соҳам бўйича ишладим, — дейди Умида

Раунова. — Сўнги йилларда соғлим анча ёмонлашиб, ишдан кетишга мажбур бўлдим. Даволанишлар натижасида саломатлигим яхшиланган бўлса-да, ammo ўзимга мос иш топиш муаммо эди. Худудимиздаги «Инсон» ижтимоий хизматлар маркази ходимлари барча корхона ва ташкилотларда мен каби ногиронлиги бўлганлар учун бўш иш ўринлари эълон қилинганини айтганида қизиқиб кўрдим. Ариза

қолдирдим ва суҳбат асосида ишга қабул қилдим. Бир ўғлим бор. Ҳозирда Тошкент ахборот технологиялари университетида тахсил оляпти. Фарзандимнинг келажиги учун ҳам ишлашим керак. Касал бўлишга, ётиб қолишга ҳаққим йўқ. Иродамни мустаҳкамлашга, мен ҳам жамиятнинг муҳим бўлаги эканимни яна бир бора англаб, касаллик билан курашишга айнан мана шу ишим ёрдам беряпти.

ИЖТИМОЙ ҲИМОЯ

## Ижтимоий ходим: фаолият мезони — фаолликдир

Эрталаб иш вақтим бошлангунга қадар камда 2 та хонадонга кириб, улардан ҳол-аҳвол сўрашга ҳаракат қиламан. Кишиларнинг кўнглини саволига жавоб бераман. Бошқасига керакли хизматлар кўрсатаман. Баъзиларга ҳеч қандай кўмак ва ёрдам шарт эмас, фақатгина ширин сўзимиз билан кўнглини кўтарасак бас. Халққа қанча яқинлашсак, ширинча кирсак, фаолиятимизда унум ва барака бўлади.

Ислоҳ ҚОДИРОВ,  
Пахтачи туманидаги “Тулшан”, “Ёба” ва “Тома” маҳаллалари ижтимоий ходими.



Табийки, ҳаммининг кўнглини бирдек олиб бўлмайди. Шунинг учун муурожаат қилиб келганларнинг кайфияти, муомаласи қандай бўлишидан қатъий назар, фақат яхши гапираимиз. Бироз вақт ўтиб, улар шунга қараб жавоб қайтаради.

И жтимоий ҳимоя тизими ҳар жиҳатдан одамни тарбиялайдиган, сабр-бардошли бўлишга ўргатадиган соҳа. Бу йўналишда иш бошлаганимдан буён ўзим учун кўп жиҳатларни кашф этдим. Инсонларни кўпроқ қадрлаш,

бор неъматларга шуқр қилиб яшаш кўникмаларимни оширдим. Худуддаги 13 та тоифага мансуб 1 702 та эҳтиёжманд, ногиронлиги бўлган, кам таъминланган оилаларга тез-тез киришга, ҳолидан хабардор бўлишга уриняман. Шу кунга қадар эътибордан четда қолиб, уйдан кўчага чиқолмай қолган

ногирон кишиларга берилган биргина арава, юриш мосламаси ёки протез воситалари уларнинг ҳаётини бутунлай ўзгартириб юборяпти. Жамиятнинг фаол аъзосига айлантириб, ижтимоийлашуви таъминланапти. Айримлари кўрсатилган бу ёрдамлардан кейин ишга жойлашиб, даромад топишни бошлаяпти.



Табийки, ҳаммининг кўнглини бирдек олиб бўлмайди. Шунинг учун муурожаат қилиб келганларнинг кайфияти, муомаласи қандай бўлишидан қатъий назар, фақат яхши гапираимиз. Бироз вақт ўтиб, улар шунга қараб жавоб қайтаради.

Биз маҳалла ходимлари — халқни давлат олиб бораётган ислохотлар, ўзгариш ва янгилардан хабардор қилиб боровчи асосий бўғинимиз. Шу билан бирга, уларнинг кайфияти ва муносабатини ижобий томонга ўзгартирувчи кучимиз. Агар фуқароларни ҳар жиҳатдан қўллаб-қувватласак, берилётган имкониятлардан унумли фойдаланишига шароит яратиб берсак, одамлар биздан рози бўлади.

Ижтимоий ҳимоя — ниҳояси йўқ, занжир каби бир-бирига боғланиб бораверадиган соҳа. Уни чуқурроқ англаб етиш, асл мақсадини ҳис қилиш учун тинимсиз ўқи-ўрганишимиз талаб этилади. Маҳалланинг энг фаоли — ижтимоий ходим бўлиши керак. Зеро, кўрсатилган эътибор ва ғамхўрлик билан ижтимоий фаол тоифадаги инсонлар сафини кенгайтираимиз.

Одамлар билан суҳбатда, аҳоли орасида юрганимда, ишсиз, ҳеч қандай касб-хунарга эга бўлмаган хотин-қизлар сони кўплигига гувоҳ бўламан. Лекин уларнинг билим олишга бўлган иштиёқи жуда баян. Буни маҳалламизда ташкил этилган тикувчилик курсига келётган ўқувчилар мисолида яққол кўраман. Эрталабдан кечга қадар одам аримайди. Уларни кузатиб туриб, ўйлаб қоламан: қани энди бошқа йўналишларда ҳам шундай марказлар очилса...

Нафақат аёллар, балки ҳеч қаерда ишламайдиган, бекорчиликдан кўча чангилиб юрган йигитларни хунарга ўргатишимиз керак. Бунинг учун маҳалланинг ички имконияти, тажрибали мутахассисларини жалб қилиш вақти келди. Қўлидан иш келадиган, навқирон ёшларнинг иқтидорини тўғри йўналтириш билан жамият равангага муносиб ҳисса қўшган бўлаимиз.

ВАЗИЯТ

## ЖИНОЯТ ЖАЗОСИЗ ҚОЛМАЙДИ

Шу йилнинг март ойида ижтимоий тармоқларда Самарқанд шаҳрида ёп бола автомашини ичида оёғидан занжирлаб қўйилган акс этган видеотасвир тарқалганди.

В ояга етмаган болага нисбатан қўлланган бундай ғайриинсоний муносабат

жамоатчиликнинг ҳақли эътирозларига сабаб бўлган ҳамда ушбу ҳолатни Ижтимоий ҳимоя миллий агентлиги директорининг биринчи ўринбосари шахсан назоратга олганди. Суриштирувлар давомида жабрланувчи Самарқанд вилоятининг Пахтачи туманидаги «Қалқон-жасорат» ҳарбий спорт мактабининг 6-синфида ўқиши, уни ғайриқонуний тарзда кишанлаб, автомашинасида олиб юрган шахс эса ушбу мактаб ўқитувчиси экани аниқланганди.

Шундан сўнг ҳолат юзасидан Жиноят кодексининг 138-моддаси (Зўрлик ишлатиб ғайриқонуний равишда озоқликдан маҳрум қилиш) билан жиноят иши кўзгатилиб, тергов ҳаракатлари бошланганди. Яқинда мазкур жиноят иши судда кўриб чиқилиб, қонунбузарга нисбатан жазо муқаррарлиги таъминланди. 13 яшар болага нисбатан зўравонлик ишлатган шахс суд ҳукми билан 4 йил муҳлатга озоқликдан маҳрум қилинди.

Ижтимоий ҳимоя миллий агентлиги вояга етмаган шахсларга нисбатан зўрлик ишлатишни кескин қоралайди ҳамда бундай ҳолатларга нисбатан муросасиз эканини билдириб, жиноят жазосиз қолмаслигини яна бир марта эслатади.

Ижтимоий ҳимоя миллий агентлиги матбуот хизмати.

ЭЪТИБОР

## Янги ҳаётга янги уй билан

Яқинда навқирон 20 ёшнинг қаршилаган Ахроржон Жўраев ўз уйига эга бўлди. Президентининг “Етти болалар ва ота-она қарамоғидан маҳрум бўлган болаларни давлат томонидан қўллаб-қувватлашнинг янги тизимини жорий этиш чора-тадбирлари тўғрисида”ги қарорига асосан, унга 1 хонали янги хонадон топширилди.

Ижтимоий ҳимоя миллий агентлиги Фарғона вилояти бошқармаси ахборот хизмати.

Бинобарин, бундай тоифадаги ёшларни илк бор уй-жой билан таъминлаш орқали уларнинг ижтимоий интеграциялашувига эришиш мақсадида янги — «Ёшларга ҳамроҳлик» хизматининг йўлга қўйилгани ҳам айна муддао бўлди. — Шунчаки уй бериб қўйиш билан чекланмаймиз, — дейди Ижтимоий ҳимоя миллий агентлиги Фарғона вилояти бошқарма бошлиғи Элёрбек АСРОНҚУЛОВ. — Уларнинг олий таълим муассасасида тахсил олиши ва бандлигини таъминлашда кўмаклашиш доимий

эътиборимизда. “Инсон» ижтимоий хизматлар марказлари орқали бундай тоифадаги болаларни аниқлаб рўйхатга олиш ва манзили кўмак кўрсатиш ишлари давом этади. Шунингдек, бувайдалик Мафтунахон Комилова ўзи учун харид қилинган хонадон қалитини қабул қилиб олди. Унинг яқинлари кўрсатилган оталарча ғамхўрлик учун мухтарам Президентимизга миннатдорлик изҳор қилишди. Таъкидлаш лозим, вилоятда жорий йил якунига қадар етим ва ота-она қарамоғидан маҳрум бўлган 69 нафар болани уй-жой билан таъминлаш кўзда тутилган.



### ЭЪЛОН

1993 йил 4 январда Камиллова Дилдор Анвархановна номинга хонадонга эгаллик қилиш ҳуқуқини берувчи 09-02/1789 сонли Давлат ордери йўқолганлиги муносабати билан ҳақиқий эмас деб ҳисобланади.



